


Mmene Zochita za Angelo Komanso Ziwanda Zimakhudzira Moyo Wathu (Gawo 1)

Nkhaniyi yachokera m'mutu 10 wa buku lakuti, *Kodi Baibulo Limaphunzitsa Chiyani Kwenikweni?* lomwe likupezeka pa jw.org/ny.

ZIMENE MUYENERA KUCHITA: Ganizirani mozama zimene mumakhulupirira ndiponso zifukwa zake. Fufuzani zimene Baibulo limaphunzitsa, kenako ganizirani mmene mungafotokozere ena zimene mumakhulupirazo.



KODI ANGELO NDI NDANI?

1 GANIZIRANI MOZAMA ZIMENE MUMAKHULUPIRIRA

Kodi anthu ena amanena zotani?

Kodi **inuyo** mumakhulupirira zotani?

Nanga n'chifukwa chiyani mumakhulupirira zimenezo?

2

FUFUZANI ZIMENE BAIBULO LIMAPHUNZITSA

Angelo ali ndi matupi auzimu ndipo ndi amphamvu, anzeru komanso amatha kusangalala kapena kukhumudwa.

(Werengani mutu 10 m'buku la *Baibulo Limaphunzitsa Chiyani*, ndime 1 mpaka 5.)

Werengani Yobu 38:4-7, Salimo 103:20 ndi Luka 15:10.

Kodi malembawa akusonyeza bwanji kuti angelo ali ndi mphamvu, nzeru komanso amatha kusangalala?

Werengani Danieli 6:22 ndi Machitidwe 12:6-11.

Kodi angelo okhulupirika anathandiza bwanji anthu a Mulungu akale?



Angelo amasangalala munthu wochimwa akabwerera kwa Yehova.—Luka 15:10

Angelo ena ndi oipa.

(Werengani mutu 10 m'buku la *Baibulo Limaphunzitsa Chiyani*, ndime 6 mpaka 8.)

Werengani Chivumbulutso 12:9.

Kodi lembali likusonyeza kuti Satana Mdyerekezi ndi mngelo yekhaya amene anagalukira Mulungu?

Werengani Genesis 6:2.

Kodi ziwanda zinagalukira bwanji Mulungu?

Werengani Salimo 34:7.

Kodi mumamva bwanji mukaganizira kuti Yehova amagwiritsa ntchito angelo okhulupirika kuti azititeteza kwa angelo oipa amene akufuna kusokoneza ubwenzi wathu ndi iye?

3

FOTOKOZANI ZIMENE MUMAKHULUPIRIRA

WINA AKANENA KUTI...

Si zoono kuti kuli angelo.

MUNGANENE KUTI...

Anthu ambiri akhoza kuganiza choncho. Koma ine ndimakhulupirira zosiyana ndi zimenezo chifukwa...

Kodi mungawerenge lemba liti kuti mumuthandize?

Kodi mungafotokoze zotani kuti munthuyo amvetse bwino lembalo?

WINA AKANENA KUTI...

Ine sindinaonepo angelo, ndiye ndimaona kuti sangandichitire chilichonse.

MUNGANENE KUTI...

N'zoono kuti angelo saonekera kwa anthu ngati mmene ankachitira kale. Koma ndimakhulupirira kuti zochita zawo zimakhudza moyo wathu chifukwa...

Kodi mungawerenge lemba liti kuti mumuthandize?

Kodi mungafotokoze zotani kuti munthuyo amvetse bwino lembalo?
